

Novembar 2017, Generacija 4

# AKADEMIJA POLITIČKE ODGOVORNOSTI 2017

BORIS DIVKOVIĆ FONDACIJA OBJAVLJUJE  
KONKURS ZA 4.GENERACIJU APO



Nakon uspješne realizacije tri generacije Akademije (2014., 2015. i 2016. godine), Fondacija Boris Divković objavljuje poziv za učešće na četvrtoj generaciji Političke akademije Boris Divković, koja predstavlja obrazovni program za mlade političare/ke, studente/ice političkih i drugih društvenih nauka i predstavnike/ce nevladinih organizacija koje se bave političkom participacijom mladih i odgovornim politikama u Bosni i Hercegovini. Cilj rada Političke akademije jeste obrazovanje mladih koja će ih pripremiti za političko djelovanje, promovišući ideju dijaloga, te moralne i odgovorne politike. Naziv akademije je Akademija političke odgovornosti koja će biti predstavljena kroz koncept Svjetskog etosa, nastalog u Njemačkoj, kao ideja njemačkog teologa Hansa Kunga o odnosu religije prema različitim segmentima društvenog djelovanja, a koji pruža platformu za novu regionalnu političku kulturu. Ova akademija je dio edukacijskog programa Fondacije Boris Divković koja ima za cilj promovisanje odgovornog pristupa političkom djelovanju i okuplja mlade osobe koje dolaze iz različitih političkih stranaka u BiH, kao i nevladinih organizacija koje žele doprinijeti uspostavljanju funkcionalnih političkih institucija i demokratskog društva.

KAKO DO PRIJAVE?

KRATKA BIOGRAFIJA

MOTIVACIONO PISMO

PRIJAVU POSLATI DO  
16.10.2017

## CILJEVI AKADEMIJE

Ciljevi Akademije političke odgovornosti su: Problemi sa kojima se suočava bh. društvo i mladi ljudi koji se žele baviti politikom ili se već bave politikom, a za koje mi smatramo da nisu dovoljno istraženi i da se dovoljno ne govori o njima niti traže rješenja za njih, jesu problemi etničkih podjela, koji su uzroci mnogobrojnih problema nefunkcionisanja političkog sistema u BiH, poput etničke diskriminacije, ljudskih prava, naročito manjina i ugroženih skupina društva, uloga sekularne države, tj. odnos dominantnih vjerskih zajednica prema državnim institucijama i političkom djelovanju. Ovo su relevantne teme bh. političkog života koje nisu obrađene na političkim akademijama koje se održavaju u BiH, a koje nisu zastupljene u političkom angažmanu mladih i upravo iz tog razloga želimo se posvetiti zapostavljenim temama koje se tiču različitih segmenata bh. društva, a dio su odgovornog pristupa političkom djelovanju i uspostavljanju nove političke kulture u BiH. Nova politička kultura nezaobilazan je preduvjet učinkovitog funkcionisanja političkih struktura i miroljubivog suživota u Bosni i Hercegovini. Bez nove političke kulture, u BiH bit će nemoguće prevladati akutne političke krize, počevši od ustavno-teritorijalnog ustroja, i postratno-tranzicijske traume koja se ogleda u različitim segmentima društva. Obrazovanjem mladih ljudi koji predstavljaju novu generaciju političara/ki i razgovorom o temama koje nisu zastupljene u bh. političkom životu, možemo utjecati na to da se uvedu pozitivni primjeri u politički život BiH.



### *Akademija političke odgovornosti je namijenjena:*

- mladim političarima i političarkama iz različitih bh. političkih stranaka,
- mladim zastupnicima i zastupnicama u različitim političkim strukturama zemlje (parlamenti, ministarstva, vlade i sl.)
- mladim iz različitih nevladinih organizacija čije je težišta rada u sferi politike;
- mladim novinarima i novinarkama čije se težišta rada tiče analize i predstavljanja političkih procesa u zemlji
- studentima i studenticama društvenih i teoloških nauka

## STRUKTURA AKADEMIJE

Akademija političke odgovornosti traje tri dana. Obuhvata teme koje se tiču političke kulture, dominantne paradigme regionalne političke kulture, odnos politike, civilnog društva i obrazovanja, politiku sjećanja i postratne traume, definisanja medija kao prostora manifestacije i oblikovanja političke kulture, odnos religije i ekonomije u političkom kontekstu, globalni politički portret, te odnos politike i rodne ravnopravnosti.

**Mjesto održavanja: Franjevački samostan sv. Bonaventura Visoko**

**Kada: 17-19. novembar**

Organizatori snose troškove smještaja, ishrane, osvježenja te učešća na Akademiji.



## KAKO SE PRIJAVITI NA AKADEMIJU?

Ukoliko pripadate jednoj od gore navedenih ciljnih grupa i želite da učestvujete na Akademiji, molimo vas da svoju prijavu pošaljete najkasnije do **16. oktobra 2017.** na email-adresu: **sasa@bdf.ba** Prijava (word ili PDF dokument) treba da sadrži:

- kratku biografiju (do dvije stranice),
- kratko motivaciono pismo (do dvije stranice), sa kratkim osvrtom na teme koje će biti predstavljene na Akademiji i informacijom na koji način želite koristiti znanje i poznanstva koje ćete steći.

Prijava mora sadržavati i lični kontakt telefon, e-mail adresu, informaciju ispred koje stranke/ nevladine organizacije/ novinske kuće/ fakulteta se prijavljujete i informaciju da li vršite neku funkciju u zakonodavnoj ili izvršnoj vlasti kantona, entiteta ili države, nevladine organizacije ili novinske kuće. Planirano je učešće 20 polaznica/ka. U slučaju većeg broja prijava, organizatori će vršiti izbor polaznica/ka uzimajući u obzir spolnu, stranačku, nevladinog i medijskog sektora, kao i regionalnu zastupljenost. Polaznice/ci koje/i su odabrane/i biće obavješteni/e do **30. oktobra. 2017. godine.**

# BORIS DIVKOVIĆ FONDACIJA

"ONO ŠTO BISMO SVI U BIH TREBALI ČINITI JEST: KLONITI SE MRŽNJE, PRAŠTATI I MIRITI SE, GRADITI UZAJAMNO POŠTOVANJE U RAZLIČITOSTI, TOLERANTNOST ZA SVE ONE KOJI DRUGAČIJE MOLE ILI MISLE OD NAS." BORIS DIVKOVIĆ



Fondacija Boris Divković osnovana je 2013. godine s ciljem unapređivanja političkih nauka i političke prakse u Bosni i Hercegovini. Fondacija promovira odgovornu politiku, koja služi svim građanima i građankama i djeluje na principima jednakopravnosti, suživota i solidarnosti.

Vizija Fondacije Boris Divković je obilježena težnjom da se politička djelatnost uskladi sa osnovnim moralnim principima, što je ideja za koju se Boris Divković zalagao tokom čitavog svog angažmana. Široka rasprostranjenost mišljenja da je spoj morala i politike nemoguć, samo je posljedica višedecenijske vladavine neodgovornih politika.

Fondacija Boris Divković polazi od pretpostavke da je moguće i potrebno provesti ideološku dekontaminaciju pojma politike u javnom prostoru, čime bi se stvorio uslov za involviranje poštenih i odgovornih ljudi u bh. političke procese. Saznajte više o

Fondaciji i organizovanim dosadašnjim aktivnostima u sklopu njenog djelovanja na [www.bdf.ba](http://www.bdf.ba).